

- 66 Ita & historia Agar, & Imaelis Genes 21 ad favorem pueræ expositæ explicatur.
- 67 Ad baptismum infantis validè administrandum nullius consensus requiritur.
- 68 Sed sufficit consensus Ecclesiæ.
- 69 Filius infantibus Infidelium à Parentibus derelictis, dandus est Tutor Christianus, & hic dandus est ab Ecclesia, pro ut dedit Specellus, & Universalis Inquisitio approbat.
- 70 Illud Pauli ad Corintios cap. 5. de his, qui foris sunt nibil ad nos, intelligitur de Adultis, & de existentibus sub patria potestate.
- 71 Textus in cap. Majores de baptismo intelligitur de Adultis.
- 72 In Adultis, ut baptizentur, requiritur Fides, & Charitas.
- 73 Pueræ non redibit ad Parentes infideles, si bene de veritate Christiane Fidei instruatur.
- 74 Propter timorem scandalii possibilis remotè non est omittenda baptismi administratio, maxime si verissimilis, & prudenter existimetur non subsequetur.
- 75 Qualiter Pueræ sit derelinqua divinæ prævidentie.
- 76 Expenditur Consilium 4. Martini Navare de conversione infidelium, contra quod fuit sententiatum, & de mandato Gregorii XIII eo non obstante puer baptizatus est.
- 77 Pater negligens curam filii furiosi meretur exheredari, & puniri.

## ARTICULUS XXXI.

## De Negligentia Parentum in Filios.

- P**lus negligentia, quam malitia solet regulariter contingere in suffocatione infantorum in lecto detentorum à Matribus, vel Nutribus, qui negligentia, sicuti omnino vacat a culpa, ita neque debet omnino vacare à poena, ut est tex. in c. de Infantibus de iis qui fil. occid., & in cap. quæsumus de penit., & remiss., c. consilisti 2. q. 5., nam qui ex negligentia suffocant filios homicidae sunt, licet mitiori poena plectendi, quam si positiva voluntate occidissent, c. eos verò dist. 50.
- 2 Hinc est, quod ad tollendam (quantum
- fieri potest) hanc negligentiam, solent Ordinarii locorum in suis Synodis intercessos casus reservatos, hanc pariter reservare, nempe suffocationem Infantum in lecto detentorum, in aliis diocesisibus reservatur detentio infantum in lecto intra annum, quomodo videtur cautius prævisum, dum periculum totum stat in ipsa detentione in lecto.
- 3 Negligentia igitur in hoc casu consistit in eo, quod Mater, vel Nutrix, vel alia persona detineat in lecto tempore obdormitionis infantulos, nec sufficienter præcavet periculo suffocationis, quod prævidet, aut prævidere, & præcavere tenetur,

tur, cum id ad suum munus spectet, jacere enim in eodem lecto cum infante, non caret culpa, cum res periculosa sit, nec dormiens est sui dominus, ut benè observat Henriquez in summa lib. 14. de irreg. c. 15. ad finem, Paul. Comitol. respons. moral. l. 4. c. 12., & habetur in consilvisti supra 2. quest. 5.

4 Nec relevat à culpa Matrem, aut Nutricem, seu alienum sic tenentem infantem in lecto, & suffocantem, si eis graviter displiceat pueruli suffocati mors, doleant, & incessabilibus lacrimis implacabiliter cuncta repleant ejulatibus, nam hoc tamquam subsequens negligentia, non tollit, quin fuerint negligentes, ut observat Card. de Turnecrem. in dicto c. consilvisti num. 3. vers. secunda pars bœc est, nam, & Cocodrilus fera pessima, postquam occiderit hominem, lacrimas super eum emittere fertur, & possunt quidem de negligentia dolere, sed non tollere, quin fuerint negligentes.

5 Alia ad dicta sequitur obligatio, quæ incumbit parochis, admonendi scilicet predictos tenentes in lecto infantulos cum periculo suffocationis, ut ex tex. in d. c. consilvisti 2. q. 4., & Mazzuchellus in appendice ad tract. de casibus reservatis, agens de excommunicatione.

6 Parentes igitur, vel Nutrices, qui ex negligentia suffocant infantulos non puniuntur poena ordinaria Paricidii, sed mitigiori, & extraordinaria, quia poena ordinaria intrat solùm, quando dolo suffocant, ad tradita per Farinac. praxi. Crim. q. 120. nu. 178. 179., ubi quod pro foro conscientiae iniungitur eis septem, vel quinque annorum poena, vel etià tantum trium pro modo culpæ, glos. in cap. fn. de iis, qui filios occid., Decian. tract. Criminal. l. 9. c. 8. num. 20., & c. 16. nu. 31., sed tamen præsumitur potius culpa, & negligentia, quam dolus ad trad. per Farinac. d. num. 179.

7 Quando autem pater, vel Nutritius suffocaret filium sic in lecto tentum dum dormit, an fiat irregularis plures distinguendi sunt casus, primus si negligentia sit studiosa, tunc certè Pater, vel Nutritius suffocans filium dormiendo evadit irregularis, ut est tex. de Sacerdotibus Græcis in c. quæsumus de penitentiis, & remissionibus, quando autem negligentia dicatur studiosa?

Respondeo, quod est ea, quæ ex lata culpa provenit, & ex ignorantia crassa, quam explicat Sanchez de matrimonio lib. 9. d. 28. num. 32., nam ignorantia crassa habetur pro culpa, neque excusat à poena immo habetur pro scientia ad tradita per Cavalierum decis. 198. num. 4.

8 Secundus casus, quando tenens infantulum in lecto, tantam non adhibet cautionem, ut nulla verisimilis ratio periculi supervenit, quia ubi supereret periculum, tunc detentio infantuli in lecto est opus illicitū, quia periculoso, & si sequatur homicidium, quod est casuale, semper incurrit irregularitatem, quia dum vult illud opus sic periculoso, censetur etià velle effectum, qui ex eo sequitur S. Antoninus summa part. 3. tit. 9. c. 2. nu. 4., Sylvester summa V. homicidium 2. num. 5., Alphonsus à Castro de potestate legis poenalis lib. 2. c. 14. Vers. Nec refert, Cajetan. 2. 2. q. 64. artic. 8., Navara Manual. c. 27. num. 235. Vers. Vigesimo secundo; Sot. de Just. & Jure lib. 5. q. 1. art. 9., Sayr. de Censuris lib. 7. c. 6. nu. 17. 18., Barbosa in c. Esau. num. 4. dist. 86., Suarez de Censur. disp. 45. sec. 5. nu. 4., Bellet. disquis. Clerical. p. 2. rubr. de poenis Clericorum §. 19. num. 5., Fagnan. in c. si constituerit num. 39. de accusat.

9 Tertius sit Casus, quando Parentes, aut Nutritius, tantam adhiberent cautionem, ut consideratis omnibus circumstantiis, nullum esset periculum, vel saltem verissimiliter prudens existimare posset, nullum superesse periculum suffocationis, sed casu omnino innopinato contingit suffocatione, tunc nullam incurrent irregularitatem, eo quia tunc, nec dabant operam rei illicitæ, nec fuerunt negligentes; unde nullatenus fuit culpabilis suffocatione, neque merentur poenam ad tex. in c. Dilectus filius de homicidio, & post allegatos Doctores notat Barbosa in c. quæsumus num. 4. de penit.; Nam ad effectum ut dormiens dicatur delinquere prærequisitur aliqua voluntaria negligentia ad tradita per Menochium de Arbitr. Judicum c. 327. num. 3., & 4., in dubio autem an puer naturaliter obierit, vel an Pater, aut Mater suffocarent, absque culpa omnino non sunt. Barbosa in c. de infantibus, & languidis expostis.

10 Negligentia verò Parentum in alendis fi-